

# Dantisyon



Dantisyon kapab difisil pou tibebe. Anjeneral li kòmanse ant 4 ak 7 mwa epi li dire jiska ti anfans la, lè molè yo ap parèt. Ou ka wè jansiv yo anfle tou anvan dan yo parèt. Men kèk enfòmasyon sou dantisyon, premye dan tibebe a ak fason pou pran swen yo.



## SIVEYE SIY NÒMAL DANTISYON YO.

Ou pa ka konnen vre si ti bebe ap fè dan jiskaske ou kòmanse wè dan an. Sepandan, kèk siy nan dantisyon tibebe w la ka vizib lè li ap wonje oswa moulen bagay. Li ka fwote zòrèy yo tou, bave plis, gen figi wouj ak/oswa pi rechiya ke jan li konn ye.

## OFRI KÈK SOULAJMAN POU DOULÈ DANTISYON.

Ofri yon ti sèvyèt fre pwòp oswa yon jwèt dantisyon (ki fèt ak silikòn oswa latèks) ki te refwadi nan frijidè a. Mase jansiv tibebe a ak men pwòp oswa kite pwent dwèt ou pre bouch li pou l "moulen" pou kalme jansiv ki anfle yo.

## E POU KOUT DAN LÈ W AP FÈ ALÈTMAN NAN TETE OSWA NAN PWATRIN?

Eseye tire yon ti lèt anvan ou bay tete. Sa ka ede tibebe w la adapte l pi vit nan pran tete. Apre sa, eseye trape tibebe w la anvan li sere tete w pou l mòde. Gade si machwè yo sere oswa si lang yo vire. Si li sanble ke yo ka mòde, retire yo byen vit epi ofri yon ti sèvyèt frèt.

## EVITE METE KOLYE AK PÈL DANTISYON NAN KOU YO.

Administrasyon Aliman ak Medikaman ameriken (FDA) a pa apwouve kolye oswa braslè dantisyon ni yo pa wè yo efikas. Yo ka trangle pitit ou a pa aksidan, epi si yo kraze, yo ka toufe l.

## PA SÈVI AK BELADÒN OSWA BENZOKAYIN.

Pandan ke yo di sa yo ede ak doulè dantisyon, FDA te bay avètisman kont pwodui sa yo. Pa bay tibebe w la yo. Poze pwofesyonèl swen prensipal pitit ou a kesyon sou itilizasyon asetaminofèn (Tylenol) pito.

## DANTISYON AN KA BA LI YON TI LAFYÈV LEJÈ KI PI BA PASE 100.5.

Pwofesyonèl swen prensipal pitit ou a ka rekòmande si pou bay tibebe w la medikaman. Gen anpil chans pou lafyèv ki pi wo pase 100.5 lye ak yon maladi, kidonk rele pwofesyonèl swen w nan.

## PRAN SWEN JANSIV TIBEBE A EPI BWOSE NOUVO DAN YO TOUSWIT.

Kòmanse yon woutin swen oral bonè. Siye jansiv tibebe a ak yon ti sèvyèt pwòp, mouye oswa twal gaz apre chak manje. Yon fwa dan yo fin pouse, sèvi ak yon bwòs dan ti bebe (pwent won) oswa yon bwòs dan silikòn ak yon ti kras (apeprè gwosè yon grenn diri) pat dantifris fliyò pou bwose nouvo dan yo byen, de fwa pa jou.

## PREMYE DAN VLE DI PREMYE RANDEVOU DANTIS.

Yon fwa tibebe w la gen premye dan l ou ka mennen l kay dantis la. Poze kesyon sou vèni fliyò. Chèche konnen si dlo tiyo lakay ou gen fliyò (dlo nan boutèy yo pa genyen). Si l pa genyen, mande enfòmasyon sou gout fliyò.

---

Adapte nan resous ki soti nan Akademi Pedyatri Ameriken (American Academy of Pediatrics): [Kolye ak Pèl Dantisyon: Yon Atansyon pou Paran yo Doulè Dantisyon Tibebe](#), [Poukisa Li Enpòtan pou Pran Swen Dan Tibebe](#), ak [Premye Dan Tibebe a: 7 Reyalite Paran yo Dwe Konnen](#)

